



Inatsisartunut ilaasortat Kim Kielsen aamma Malik Berthelsen, Siumut  
MAANI

## **Naalakkersuisunut raajat pillugit § 37 naapertorlugu apeqqut nr. 2012-018- mut akissuteqaat**

Inatsisartut suleriaasianni § 37 imm. 1 naapertorlugu raajanik aalisarneq pillugu  
apeqquteqarsimavusi kiisalu uuttortaariaaseq “count” raajarniarnermi kiilumut  
ataatsimut raajat qassiunerannut atorreqartartoq pillugu. Apeqqutit uannut  
akisassanngortinneqarsimapput.

### **Apeqqutit:**

1) Uuttortaariaaseq “count” raajarniartarnitsinnut kiilumut raajat qassiunerannut  
atorreqartarpoq, taamaasilluni raajat agguaqatigiissillugit angissusaat kilisannermi  
aalajangerneqarsinnaalluni. Tassunga atatillugu paaserusupparput avataasiorluni  
raajarniarnep piffissami 2005-2010 raajat “count” atorlugu nalunaarsorneqartut  
agguataarnerat qanoq isikkoqarnersut? Ajornanngippat Naalakkersuisut apeqqummut  
akissuteqarnerminni skemamut immersuisinnaapput, tamanna kissaatigineqassappat.

2) Ukiuni tallimani qulaani taaneqartuni raajat agguaqatigiissillugu angissusaat  
millisimassappat, raajat annikillisimanerannut takussutissaava?

3) Raajat agguaqatigiissillugu angissusaannut pinngortitap nassataanik  
pissusissamisoorumik kaaviaartumillu nikerartooqartarpa imaluunniit  
allannguutaasinnaasut kisimik raajarniarnertarneq ilutigalugu peqqutaappat?

4) Piffissami 2005-2010 agguaqatigiissillugu ullut qassit raajanik uutanik avataasiorlutik  
aalisartut atorsimaneraat ilanngullugu aamma nalunaarutigeqquneqarpoq.  
Ajornanngippat Naalakkersuisut skemamut akissuteqarsinnaapput.

### **Akissutit:**

**1-imut)** Uuttortaariaaseq “count” raajarniarnermi kiilumut ataatsimut raajat  
qassiunerannut atorreqartartoq pillugu apeqqutissinnut nalunaarutigisinnaavara,  
Kalaallit Nunaanni Aalisarsinnaanermut Akuersissutinik Nakkutilliivimmut  
saaffiginnissutigisimagakku.

KANUAANA-p skema ilanngunneqartoq nassiussimavaa, tassani takutinneqarluni  
raajanut avataani uutiterneqartunut aamma pladini qeritinneqartunut  
nalunaarsorneqarsimasutut agguataarsimanerat piffissami 2005-imiit 2011-imut ukiunut  
tamanut aalajangersimasumik count-inut agguarsimasuni. Skemami countini  
agguarsimasuni tamani raajat qanoq amerlatiginersut ukiumi pisanit procentinngorlugit  
takutinneqarput. Agguarsimanerintut agguataarisoqarsimavoq ukiuni  
sanilliussisinnanaissaq eqqarsaatigalugu. Saqqummiunneqartut toqqammavigalugit  
agguaqatigiissitsilluni annertussutsit annikilliarternersut imaluunniit annertusiarternersut  
takutissallugit aalajangiisoqarsinnaanngilaq. Raajaqassutsip katitigaaneratigut  
pissusissamisoorumik nikerartooqarnerata soorluttaaq avataani sunniisartut

25. jan 2012

Sagsnr. 2012-060634

Dok. Nr. 807449

Postboks 269

3900 Nuuk

Tlf. (+299) 34 50 00

Fax (+299) 34 63 55

E-mail: apnn@nanoq.gl

www.nanoq.gl

eqqarsaatigalugit (soorlu nunap sananeqaataani aalisarfigineqartunut agguataarisimaneq, uuliap akii, tunissiarineqartartut suunerisa akii) count-inut agguataarisimaneq sunnissavaat.

**2-mut aamma 3-mut)** Apeqqutinut 2 aamma 3-mut atatillugu Pinngortitaleriffimmut saaffiginnissimavunga. Akissuteqaammini Pinngortitaleriffiup nalunaarutigaa, ilisimaneqartoq avatangiisitigut pissutsit ilaatigut Pandalus borealis-ni alliertortarnerat aamma qanoq ukioqartiginerat sunnertaraat. Imaani avatangiisitigut allanngornerat qularnanngivissumik raajanit annertunerpaamik angissutsit anguneqarsinnaasut sunnersinnaavaat. Peqatigitillugu Pinngortitaleriffimmit nalunaarutigineqarpoq, misissuisoqarsimanngitsiq, raajat aalisarneqartartut agguaqatigiissillugit angissusaat imaluunniit raajaqassuseq takutinneqartoq, piffissamut 2005-imiit 2011-imut annikilliertorsimanersoq. Tamatumunnga ilassutitut nalunaarutigineqassaaq, qularnanngivissumik raajaqassutsimi agguaqatigiissitsilluni angissutsit pinngortitap nassatarisaanik pissusissamisoortumik kaaviiartumillu allanngorartinneqartartut. Allanngorartarnerit oqaatigineqareersutut pissusissamisoortuummata imaasiallaannaq raajaqassutsimi annertuumik aalisartoqarnera pisuutinneqarsinnaanngilaq.

**4-mut)**

Takussutissiami ilanngunneqartumi avataasiortunut ullut avataaniinnermi qanoq angalanerup sivistigisimanera takutinneqarpoq, piffissami tamarmi aalisarsimasunut (angallatit 7). 2005-imiit 2006-mut annikillierarnerup affaa pissuteqarpoq, angallatit ilaat umiarsuaatileqatigiiffimmut allamut nuussimammat, umiarsuaatileqatigiiffillu pineqartoq sivikinnerusunik angalatitsisartuulluni. Naatsorsuinnermi eqqarsaatigineqanngillat, pisat ilaannit usingiaanerit, angalanermik sivitsortitsisut imaluunniit lasti ulikkaarnagu usingiarnernit sivitsortitsisuusinnaasut.

Ukioq	2005	2006	2007	2008	2009	2010	2011
Angalanerup sivistissusia (ullut)	20,5	17,7	18,8	17,9	18,5	18,9	18,5

Inussiarnersumik inuulluaqqusillunga

Ane Hansen

**Ilanngussaq:** Raajanik aalisarnermi 2005-imiit 2011-imut count-nut agguaasimanerit pillugit takussutissiaq (KANUAANA)